

Jeli Imaogsis

Ogsitgamog Seso-

goli Isagmamino

1. GAPLIEL.

Gesgemenag segeonog temg eli mesoasit ogtatapen, tan oigoptjig ligasiteo gisi pagtatagel; oitjei Gisoig nigani igimassenel San Patisal gesgemenag pegisinilgel Genisgaminan, nigantog ogpemben ag ogtaoctil ilaten. Gis sag nigani gtjijtjegeoinog inset-ocatisenel, telitelarkatisenel: Oja temg niganagnimatal Oestaoigol. Ongigog eta lög sapeoipenig, Sagali ag Elisapet telotsipenig, ola gitjino Mali eodgomatilis; eltagatgesenig otantjijtj Aingalimeg, gislog teloittemeg Gemteneoel Saneoaigi 6 milal oetjategemg Seloalemg. Nige oegela mögoetj oenitjaniosepenig, glapis gisi pgitji alasetmatipenig, Gisolgol ignemagoitipenel ognemlan San Patisal ogoitjtjel maol sapeoititjel; na negem ninasonos oasög, na negem pagalal sapeoinoip; na negem ogtetjgeoei tan saoaeci lagotagan tlei.

Ola oison San Iesoipeoei gelosoagan eta (Soanan) tan teloeg 'Gtjinisgam oelaloet,' sgato Elisapet 'Nisgam gtjisapeoit,' ag Sagali 'Nisgam migoitel-mot.' Ansema migoitelmasenel Gisolgol, tan mo teloigsepe tan telöitipenig negela pigoeigepenig Iesoipeoi patlihasig emtesgoititig, ogsitgamogeeol siaoi gsitetititsisenel. Negem tög Sagali tan Iesoipeoi oli patliaseoip amsgoes mesnegsepe agnotemagan, ogsetögön elnoegatig ogtigan.

Negela Iisip ögotj tögöageg natami sist atjieteg gisi miaologoeg, gtjiansaleoit Gapiel natagnotemoasenel Sagalial tan Gisolgol ignemagotal onitjanin. Sgato negem teli pagalait, tjel mo semtog gisi getlamset,siog, glapis aniapsotelot eoli poni ntaoistög tjel gepistaganat. Eln tepetog tesigel, telatigel, San oesgitjinoit gisi sapeoaloteg ogoitjel ogtelamilog. Tlisip Sagali minoi gelosit ag emtögoalatjel Gtjinisgamel.

Telgig gisi tetapotesege asogömeoei tepgenoset pemieteg, oitjei gtjiansaleoit natji mitgoalassenel nasgoelteg Malial Nasaletga maol gelogg gtjigan-tijtj Galliteoeia. Na gelosoagan teloeg 'oisaol nigeig.'

Tlisip Mall enaseniga ongligoa, Soas-

enög ag Anög. Mögoetj etog soei nenocamegsepe ogsitgamog; sgato an-saleoftjig pagalamatisenel meltami sapeoitipenel, oetjili gelosipenel, Gisolg onitjantjitel lög gesalgotöipenel. Gis gisi nepsetgoaloteg gtjialasotmögöemigtog, tliisip getci malieoipenel Sösepal galoseoinol, Tapitög oetapeg-silipenel istege elp negem Mali. Metj sgato aptji oli animatjipenig espi oagam elmgoeigtog, istege maol olmetög oitjigtitjig; meta Mali metj nasgoetog, ag Sösep öa sig ninasonos oli notjelcan. Gapiel tög natagnotemoas-enel Malial tan Oetjiloli Nisgameoigtog ogvisielital, tög na negem oitjei maol espeg Gtjinisgam ogoisel. Pagalait eta eoli nasgoet tlia mögoetj metgemog, meöoitj meögi getlamsetasit semtog, nestog ögotj telgig otmittemelitj tanel oasög epilitjel, ag negem metj gisi nasgoeteo iaptjio. Gollaman oelitetgel oegela mesgigel gögöel ogtelagan, teloet: 'Tliatj tög nöininigtog tan telapogoesepe.'

Tlisip ogtelamilog Eogtjit Nisgam elaoasis.

Na oison Mall teloeg 'lög gelosit, sagmasöoöit, notji oasögoaloeit, elp mesgetasotiei apagt;' sgato Ann 'oli sapeoit;' Soasen 'Gisolg li melgigen-eoalatj ag espalatj;' Sösep 'metj pmi-atjietj;' Gapiel 'Nisgam teligenat.' Na tög ola gtjiansaleoit Nisgameoig-nöti oetji msenegsepe ognatagnotemen oegela tapogol pagalaitoli.

Sonmbing egimotjig 15 pagalaitoli angitetemegel. Elp 7 tesigel gisi olit-asoagenel ag 7 tesigel gisi ommatjitas-oaganel ogtinineoei-gitjino Mali egitemegel, tögö aptj tesigel ogtinineoei Sapeoit Sösep.

Ola tög Agnotematimeoei lei pagalaitoli ag lei gisi olitasoagan ogtijt gitjino Mali.

Tet nigetj gitemenetj negela tapon-emögel Gapiel teli oli agnotgesenel.

S. LOG (1) TEOIGIGES:

(S. Luc, I, 1-38)

Meta pigoeigig atignetemittis li agnotemitineo negela gögoel tan emot-igo gisgatjigtsepenel teli ginoatölgöpenig tangig amsgoes negemöo teli nemitagapenig, tögö gelosoagenel notjötemitipenel; nin elp telitetemep, gisi tetögotemanel meltamtog mset gögoel, oegela ngöcatji oigemolin, gil Teöpil maol gelosin; ogtjiatj gagi nememen tan, teliagal tanel gis teli gin-amasinel.

Tan tliisip Elötög Iesoipeoagig elege-oteoiteg, patlihasag elgesenag Apial